

28
29

FACULTATIS MEDICAE DECANI
IO. HADRIANI SLEVOGTII

MED. D. ANAT. CHIR. ET BOT. P. P. ITEMQUE
MEDICI DVCAE PROVINC.
INVITATIO

AD
DISSERTATIONEM INAUGURALEM
DE

HYDROPE

CVI HISTORIA

EQVI LAPIDICACI

PRAEMITTITVR.

GENAE d. VII. Ian. M DCC XIV.

LITTERIS MVLLERIANIS.



Q. D. B. V.

FACULTATIS MEDICÆ DECANVS
I. HADRIANVS SLEVOGTIVS

L. B. S. P. D.



Vi, vel amplificandæ Philosophiæ naturalis causa, analogiam *majoris mundi* cum *minori* curiosa indagine & data opera scrutantur, aut incomprehensibilem summi rerum omnium Creatoris sapientiam demonstraturi, utili ac pio conamine, potiores *microcosmi* partes atque machinas, cum vastis *macrocosmi* corporibus comparare laborant, utique in hominis statu *naturali* ac *præternaturali* multa inveniunt, quæ cum mundo aliquam similitudinem ostendunt. Ex multis pauca in præsentia nominaturis, primo statim loco *anima* occurrit, quæ vivificos humores, & per hos solidas sentientes moventesque fibras, hinc ossa & artus ad motum incitando, ætheri, universali isti sublunarium impulsori, paria facere videtur: sicuti nec subtile istud fluidum, ex sanguine, per continuatam in corde, vasis, atque cerebro rarefactionem, exsurgens, quod spiritus vitales atque animales vocant, blando suo aut impetuoso influxu, a ventorum placido afflatu ac tumultu procello-

Ioso abludere palam est. Taecmus siderum, maris & fluminum, cum oculis, & cruoris generationi atque circulationi velificantibus organis, aliarumque animantis partium cum inanimatis comparisonem.

Quod præternaturalem utriusque mundi statum attinet, egregium similitudinis exemplum clarissimi summorum in Medicina honorum Candidati,

IOANNIS GEORGII CRAMERI

Isnacensis, Phyci Provinc. Wafungenfis extraordinarij, dissertatio inauguralis de HYDROPE nobis exhibet: ubi commodam occasionem haberemus, vitiosam lymphæ evagationem, & inde ortam lethiferam viscerum inundationem, cum illætabili spectaculo macrocosmi comparare: quando ingentes terræ tractus mari atque fluviis, sua littora & aggeres transilientibus, submerguntur. Sed quo minus huic themati immoremur, sit partim, quod solerter elaborata diatribe naturam atrocis affectus dudum plenissime exposuerit, partim vero, quod inclytus Candidatus aliam nobis materiam proloquendi suppeditaverit, *lapides scilicet, in equi ventre generatos & per alvum cum excrementis redditos.*

Amplissimum certe h. l. lithogenesis campum ingredi possemus, & occasione lapidum, in terra, aqua atque nubibus, ex fluida materia in massam solidam, plus minus duram, terream, salinam, sulphureamque coagulatorum, rationes invenire, cur in regno vegetabili pariter arborum lignea, herbarumque pulposa substantia in lapideam mutetur, ac in animalibus tot Medusæ capitis effectus occurrant, ut non solum intra corporis partes calculi nascantur, sed integra quoque corpora, ne fœtu in utero quidem excepto, in saxeam duritiem obrigescant: *(2) sed*

sed prolixior est hæc doctrina, quam ut angustis Prolusionis terminis includi possit, dudumque aliorum docta scripta discendi cupidis evolvenda prostant. Inter quæ Franci dissertatio de calculis microcosm. & Sigismundi Regis specimen Lithogenes. hac vice nominanda veniunt. Ibi enim legere datur, in cerebro, oculis, naribus, (*ex quibus, sed vaccinis, polypum saxeam, duos pugnos æquantem, possidemus*) pulmonibus, hepate, inprimis autem in vesica fellea (*ex qua in theatro publico magnum numerum, pisa æquantium, fuscorum leviumque calculorum extraximus*) ventriculo, intestinis, renibus, utero, placenta, ipsisque sangviferis vasis, & ulceribus, lapides repertos fuisse, multosque eorum nullam vivendi molestiam creasse, plurimos autem infelicitis vitæ & properatae mortis autores evasisse, nec paucos etiam a natura ipsa salubriter per consveta & minus consveta emunctoria, nasum, œsophagum, tracheam, genitalia, alvum &c. expulsos esse. Sunt autem, post urinæ vias, frequentissimæ lapidum excretiones per alvum Practicis annotatæ, collegitque Simon Schulzius, Eph. Germ. Dec. 1, An. 3, obs. 136, & Luc. Schrœccius, An. 9, obs. 90, prolixum catalogum autorum: quibus adhuc plures superiorum temporum jungeremus, si institutum nostrum id permetteret. Vt proinde tantum quorundam recentium, ibi nondum memoratorum, mentionem facere liceat. Inter quos Eph. Germ. Dec. 11, An. 5, obs. 197 Chr. Ern. Clauderi; An. 7, obs. 136 Lentilii, nec non observ. 202. Grundelii, & obs. 244 Ioh. Maur. Hoffmanni; hinc An. 9, obs. 137 Zwingeri: una cum Dec. 111, An. 3, obs. 21 Ern. Sig. Grassii, & Append. An. 7 & 8, p. 71 Dethardingii lectu dignas arenarum & calculorum, variæ magnitudinis, per infimum ventrem exeuntium, historias complecti videmus. Quibus virginem *calculicacam* Bernensem, a Zwingero Io. Iacobo Hardero ostensam, & in huius Apiarii obs. 80, p. 309 descriptam, illosque lapillos albos, ex nostrate virgine, ante aliquot annos maligna febre laborante, prode-

un-

untēs annumerare placet: unde transitum ad eos lapides faciemus, quos bruta generant. Idque ea sub conditione, ut ne verbo quidem in Bezoardicis Capris orientalibus pariter ac occidentalibus reperiundos attingamus, aut quos hisce similes, teste D. Gabriellio, Ephem. Germ. Dec. III, An. 7 & 8, obs. 191, Capreoli sylvestres alunt, aut porci Malacenses & Histricæ ægrotantes, sub Pedra del Porco appellatione, alunt, suesque nostrates ex umbilicis, boves ex vesicis bilis, cervi annosi ex stomacho, serpentes nonnulli, cum percis & soleis, ex capite, cancrique ex ventre officinis porrigunt, describamus; sed, inscriptioni Prolusionis inhæsurī, ad solos Equos sermonem nostrum restringamus, visuri, quosnam ex ipsis lapidiferos fuisse innotuerit.

Primo autem merito loco ex illis memorandus est, quem illustris Wedelius, Wafungæ ex equo excisum, Ephem. Germ. Dec. I, An. 3, obs. 246 describere, simulque delineatum dare voluit. Cum inde ortum talismodi substantiarum ex liquore, & modum insuper lamellatim accrescendi clare perspicere liceat. Plura talis modi corpora, Hippolithorum nomine venientia, ex Iordano & Schwenkfeldio, in Thesauro pharmac. Schröd. una cum lapide ex Equo Hispanico, prope Francofurtum dissecto, citantur, quorum numerum D. Valentinus, in Musæo Musæorum, p. 439, unico, sibi ex equo mortuo tradito, & duobus aliis, Argentorati in Musæo Brackenhoferiano spectandis, auget. His accedunt undecim alii, ovum æquantēs, in intestino colo equi Turcici reperti, quem D. Stegmannus, Eph. Germ. Dec. III, An. 141, obs. 230, toties in furorem quasi actum scribit, quoties faeces fœcidissimas & pulverulentas expresserit.

Sunt hi, & tantum non omnes reliqui lapides ex mortuis, & maxima ex parte morbosis animalibus depromti, ideoque illis postponendi, qui, a vivis & fanis excreti, pluribus numeris perfectiores videntur. Tales fuerunt

ab equo Leiningense, teste Valentino, loco citato, editi. Tales quoque nos ad scribendum impulerunt. Habent hi communem cum aliis, hactenus descriptis, substantiam, ipsis Bezoardicis etiam familiarem, ex lamellis compositam, non admodum duram, quin limæ & ferræ cedant, præbentque pulverem non admodum albicantem. Facies externa est polita; coloris, qualem viscera, hepar & renes cocta exhibent. Figura irregularis, tetraedrica in polyedricam desinens. Magnitudo non eadem omnibus; plerisque ovo Gallinaceo similis; in nonnullis major, minorque in aliis: cum Wasungenfis pondus fere XIV, unus ex Argentoratensibus XLV unciarum habuerit. De numero nil certi constat: cum per aliquot annos ejusmodi partus lapidum duraverit, & per intervalla 8 vel 10 dierum, tres eorum vel quatuor emerferint. De virtutibus nondum quicquam definire licet, quo scilicet jure *Bezoar equinum* (Valentinus etiam *Mulinum* habet, p. 438,) appelletur. Sapor enim tantum terreus est, & odor quidem, dum lamellæ conteruntur, emunctioribus naribus acre quid spirare videtur; ut indicium latentis sulphuris salisque volatilis exhibeat: cujus efficaciam tamen experimenta in posterum declarabunt.

Nos in præsentia, ad scopum properantes, breviter natales & studia Candidati nostri exponemus. Quippe Patriam habet Ilnacum, splendidam Serenissimor. Saxoniar. Ducum sedem, ubi ab honestis parentibus, Dn. Io. Christiano Cramero, laudatissimo Chirurgo, & Maria Elisabetha Brandauensi, dudum inter cœlites recepta, A. O. R. MDCLXXVI, d. 7 Febr. editus est, qui ipsum, quam primum præcepta pietatis & liberalium artium animo haurire potuit, idoneis informatoribus commendaverunt. Inter quos Dn. Christoph. Cramero, Patrueli suo, nunc Pastori; Dn. Heinricho Hardio, Conrectori; beatoque Heinricho Börstelmanno, Rectori; Dn. Georgio Sebastiano Gabelio, Aulico Concionatori

Co.

Comitis de Kirchberg, & Pastori Farnrodensi, Affini suo, se obstrictissimum fatetur. Literis junxit Chirurgicæ artis notitiam, ex domestico & quotidiano exercitio nullo labore addiscendam: cujus fructum in Praxi Medica hætenus saluberrimum deprehendit. Anno MDCXCVII, mense Majo, a Rectore magnifico, B. Posnero inter nostræ Academiæ cives receptus, post sedulam frequentationem acroateriorum Posnerianorum, Hebenstreitianorum & Hambergerianor. Physicam, Logicam, Methaphysicam & Mathesin trudentium, famigeratissimum Medicum, D. D. GEORGIUM WOLFFGANGVM WEDELIVM, Hered. in Schwarza, Theor. P. P. Com. Palat. Cæsar. Confiliar. & Archiatr. Sax. excellentissimum, publice partim, partimque privatim Institutiones, Pathologiam, Mat. Medicam & Casus Timæanos solidissime explicantem audiuit. Nec scholas B. D. D. ERNESTI HEINRICI WEDELII Prof. extraord. Med. Prov. Vinar. & Poliat. Ienens. celebrari, in aphorismos Hippocratis & institutiones examinatorias adire unquam temere neglexit. Haud leve quoque suis studiis incrementum ex informatione celeberrimorum Fridericianæ Academiæ Professorum, D. D. HOFFMANNI atque STAHLII accessisse, gratisimo pectore agnoscit. Mihi semper adfuit, siue publice ac privatim disciplinas Professionis meæ explicarem, inque theatro Academico utriusque sexus corpora dissolverem, siue, ratione, Physicatus, iudiciales sectiones instituerem: siue denique ægrotis auxilia chirurgica administrarem. Vbiq; enim haud semel ingenii sui alacritatem, manuumque in trypanatione aliisque operationibus promptitudinem exhibuit. Præter hæc ad Praxin clinicam fideli manuductione B. D. D. IV DELII, nostratis Physici usus est: qua etiam Isnaci a D. D. HEIMREICHIO, Medico ibidem experientissimo, tanto cum successu per integrum annum frui licuit, ut
non

non solum in patria praxin ipsam auspicari, sed postea etiam Tannæ per novem annos feliciter exercere potuerit. Haftenus a Serenissimo Duce Meiningensi, Domino nostro clementissimo, officio Physici extraordinarii ornatus, a nostra Facultate honores & privilegia Doctoralia decenter petiit, & ad specimina admissus, dignus habitus fuit, cui cathedra patefieret. Conscendet eam d. 11 Ian. sub præsidio magnifici Dni Pro-Rectoris: quapropter, ut magnificus Dn. Ex-Pro-Rector, Procures Academiæ, omnium ordinum Hospites, omnesque salutari arti faventes, actum hunc sua præsentia celebrare velint, est, quod nomine Collegii Medici officiosissime, obnixe & amanter peto. P.P. sub Sigillo Facultatis, d. 7. Ian. MDCCXIV.

